



苑詩類選卷之十一

明監察御史包節輯按察司知事前給事中王交校

樂府部一

○京洛篇

梁簡文帝

南遊偃師縣斜上灞陵東迴瞻龍首堞遙望德陽宮重
門遠照曜天闕復穹窿城傍疑復道樹裏識松風黃河
入洛水丹泉繞射熊夜輪懸素魄朝光蕩碧空秋霜曉
驅鴈春雨暮成虹曲陽造甲第高安還禁中劉蒼歸作
相竇憲出臨戎此時車馬合茲晨冠蓋通誰知兩京盛
歡宴遂無窮

又

李巨仁

京洛類神仙藹藹却雲煙漸臺臨泰液玉樹並甘泉車
喧平樂外騎擁濯龍前競結蕭朱綬爭攀李郭船獨悲
韓長孺死灰猶未然

帝王所居篇

張正見

嶠函維帝宅宛雒壯皇居紫微臨複道丹水亘通渠沉
沉飛雨殿藹藹承明廬兩宮分槩日雙闕並凌虛休氣
充青瑣榮光入綺疏霞明仁壽鏡日照凌雲書鳴鸞背
鳩鵲詔蹕幸儲胥長揚飛玉輦御宿徒金輿柳葉飄緹
綺槐花影屬車薄暮歸長樂歌鍾滿玉除

帝京篇七首

唐太宗

秦川維帝宅函谷壯皇居綺殿千尋起離宮百雉餘連
薨遙接漢飛觀迥凌虛雲日隱層闕風煙出綺疏

其二

巖廊罷機務崇文聊駐輦玉匣起龍圖金繩披鳥篆章
編斷方續縹帙舒還卷對此乃忘憂歌案觀墳典

其三

移步出詞林停輿欣武宴瑀弓寫明月駿馬凝流電驚
鴈落虛弦啼猿悲急箭閱賞成多美於茲乃忘倦

其四

芳辰追逸趣禁苑信多奇橋形通漢上峯勢接雲危煙
霞交隱映花鳥自參差何如肆轍迹萬里賞瑤池

其五

落日雙闕昏迴輿九重暮長煙散初碧皎月澄輕素褰
幌玩琴書開軒隱雲霧斜漢耿層閣清風搖玉樹

其六

歡樂難再逢芳辰真可惜玉酒泛雲壘蘭肴陳綺席千
鍾合堯禹百獸諧金石得志重寸陰忘懷輕尺璧

其七

建章歡賞夕二八盡妖妍羅綺昭陽殿芬芳玳瑁筵珮

移星正動扇掩月初圓無勞上玄圃即此對神仙

又

駱賓王

山河千里國城闕九重門不睹皇居壯安知天子尊皇
居帝里嶠函谷鷲野龍山侯甸服五緯連影集星躔八
水分流橫地軸秦塞重關一百二漢家離宮三十六桂
殿陰森對玉樓椒房窈窕連金屋三條九陌麗城隈萬
戶千門平旦開複道斜通鳩鵲觀交衢直指鳳凰臺劍
履南宮入簪纓北闕來聲名冠寰宇文物象昭回鈞陳
肅蘭肥壁沼浮槐市銅羽應風迴金莖承露起校文天
祿閣習戰昆明水朱邱抗平臺黃扉通戚里平臺戚里

帶崇墉炊金饌玉待鳴鍾小堂綺帳三千戶大道青樓
十二重寶蓋雕鞍金絡馬蘭窻繡柱玉盤龍繡柱璇題
粉壁映鏘金鳴玉王侯盛王侯貴人多近臣朝遊北里
暮南鄰陸賈分金將燕喜陳遵投轄正畱賓趙李經過
密蕭朱交結親丹鳳朱城白日暮青牛紺幘紅塵度俠
客珠彈垂楊道倡婦銀鈎採桑路倡家桃李自芳菲京
華遊俠事輕肥延年女弟雙鳳入羅敷使君千騎歸同
心結縷帶連理織成衣春朝桂尊尊百味秋夜蘭燈燈
九微翠幌朱簾不獨映清歌寶瑟自相依且論三萬六
千是寧知四十九年非古來名利若浮雲人生倚伏信

難分始見田竇相移奪俄聞衛霍有功勳未厭金陵氣
先開石槨文朱門無復張公子灞亭誰畏李將軍相顧
百齡皆有待居然萬化成應改桂枝芳氣已銷忘栢梁
高宴今何在春去春來苦自馳爭名爭利徒爾為久畱
郎署終難遇空瑣相門誰見知當時一旦擅豪華自言
千載長驕奢倏忽搏風生羽翼須臾失浪委泥沙黃雀
徒巢桂青門遂種瓜黃金銷鑠素絲變一貴一賤交情
見紅顏宿昔白頭新脫粟布衣輕故人故人有湮淪新
知無意氣灰死韓安國羅傷翟廷尉已矣哉歸去來馬
卿辭蜀多文藻楊雄仕漢乏良媒三冬自矜誠足用十

年不調幾遭迴汲黯新逾積孫弘閣未開誰惜長沙傳
獨負洛陽才

煌煌京洛行

鮑照

鳳樓十二重四戶八綺窻繡栊金蓮花桂柱玉盤龍珠
簾無隔路羅幌不勝風寶帳三千所為爾一朝容揚芬
紫煙上垂綵綠雲中春吹回白日霜歌落塞鴻但懼秋
塵起盛愛逐衰蓬坐視青苔滿卧對錦筵空琴瑟縱橫
散舞衣不復縫古來并歇薄君意豈獨濃惟見雙黃鵠

千里一相從

又

戴嵩

欲知佳麗地為君陳帝京由来稱俠窟爭利復爭名鑄
銅門外馬刻石水中鯨黑龍過飲渭丹鳳俯臨城羣公
邀郭解天子問黃瓊詔幸平陽地騎指伏波營五侯同
拜爵七貴各垂纓衣風飄颻起車塵暗浪生舞見淮南
法歌聞齊后聲揮金畱客坐饌玉待鍾鳴獨有文園客
偏嗟武騎輕

又

張正見

千門儼西漢萬戶擅東京凌雲霞上起鵙鵲月中生風
塵暮不息簫笳夜恒鳴唯當賣藥處不入長安城

行幸甘泉宮

梁簡文帝

雜詩一
卷二
五
雉歸海水寂來來重譯通吉行五十里隨處宿離宮鼓
聲恒入地塵飛上暗空赦書隨豹尾太史逐相風銅鳴
周國旒旗曳楚雲虹幸臣射覆罷從騎新歌終董桃拜
金紫賢妻侍禁中不羨神仙侶排煙逐駕鴻

又

劉孝威

漢家迎夏畢避暑甘泉宮機車鳴里鼓駟馬駕相風校
尉烏桓騎待制樓煩弓後旌遊五柞前笳度九巖才人
豹尾內御酒屬車中輦回百子閣扇動七輪風鳴鍾休
衛士披圖召後宮材官促校獵秋來戲射熊

新城安樂宮

陰鏗

新宮實壯哉雲裏望樓臺迢遞翔鷗仰聯翩賀燕來重
攔寒霧宿丹井夏蓮開砌石披新錦梁花畫早梅欲知
安樂盛歌管雜塵埃

又

陳子良

春色照蘭宮秦女見窻中柳葉來眉上桃花落臉紅拂
塵開扇匣卷帳却薰籠衫薄偏憎日裙輕更畏風

內殿賦新詩

江總

兔影脉脉照金鋪虬水滴滴寫玉壺綺翼雕甍邇清漢
虹梁紫柱麗黃圖風高暗綠凋殘柳雨駛芳紅濕晚芙
三五二八佳年少百萬千金買歌笑偏著故人織素詩

願奉秦聲采蓮調織女今夕渡銀河當見清秋停玉梭

置酒高殿上

張正見

陳王開甲第粉壁麗椒塗高窻侍玉女飛闥啟金鋪名
香散綺幙石墨雕金鑪清醪稱玉饋浮蟻擅蒼梧鄒嚴
恒接武申白日相趨容與升階玉差池曳履珠千金一
巧笑百萬兩環姝趙姬未鼓瑟齊客罷吹竽歌喧桃與
李琴挑鳳將雛魏君慙舉白晉主媿投壺風雲更代序
人事有榮枯長卿病消渴壁立還成都

又

江摠

三清傳旨酒栢梁奉歡宴霜雲動玉葉凍水踈金箭羽

簫響鍾石流泉灌金殿威時不再得光景馳如電

長安道

蕭賁

前登灞陵道還瞻渭水流城形類北斗橋勢似牽牛飛
軒駕良駟寶劍雜輕裘經過狹斜裏日暮與淹留

又

徐陵

輦道乘雙闕豪雄被五都橫橋象天漢法駕應坤圖韓
康賣良藥董偃鬻明珠喧喧擁車騎非但執金吾

又

陳暄

長安開繡陌三條向綺門張敞車單馬韓嫣乘副軒寵
深來借殿功多競買園將軍夜夜返絃歌著曙暄

又

鳳樓臨廣路仙掌入煙霞章臺京兆馬逸陌富平車東
門踈廣錢北闕董賢家渭橋縱觀罷安能訪狹斜

顧野王

又

長安狹斜路縱橫四達分車輪鳴鳳轄箭服耀魚文五
陵多任俠輕騎自連羣少年皆重氣誰識故將軍

何妥

又

長安馳道上鐘鳴宮寺開殘雲銷鳳闕宿霧斂章臺騎
轉金吾度車鳴丞相來藹藹東都晚羣公駟御回

阮卓

又

江摠

翠蓋乘承露金羈照落輝五侯新拜罷七貴早朝歸轟
轟紫陌上藹藹紅塵飛日暮延平客風花拂舞衣

又

王褒

槐衢回北第馳道度西宮樹陰連袖色塵影雜衣風採
桑逢五馬停車對兩童喧喧許史座鐘鳴賓未窮

又

沈佺期

秦地平如掌層城出雲漢樓閣九衢春車馬千門旦綠
柳開復合紅塵聚還散日晚鬪雞回經過狹斜看

又

皇甫冉

長安九城路戚里五侯家結束趨平樂聯翩抵狹斜高

樓臨遠水復道出繁花惟見相如宅蓬門度歲華

又

庾肩吾

桂宮巡復道黃山開廣路遠聽平陵鍾遙識新豐樹合
殿生光彩離宮起煙霧日落歌吹回塵飛車馬度

又

梁簡文帝

神臯開隴右陸海實西秦推輪抵長樂復道向宜春落
花依度憶垂柳拂行人金張及許史夜夜尚留賓

又

梁元帝

西接長楸道南望小平津飛薨臨綺翼輕軒影畫輪雕
鞍承赭汗槐路起紅塵燕姬雜趙女淹留重上春

洛陽道

車敷

洛陽道八達洛陽城九重重關如隱起雙闕似芙蓉王
孫重行樂公子好遊從別有傾人處佳麗夜相逢

又四首

陳後主

青槐夾馳道御水映銅溝遠望凌霄闕遙看井幹樓黃
金彈俠少朱輪轍盛侯桃花離渡馬紛披聚陌頭

其二

喧譁照邑里遨遊出洛京霜枝嫩柳發水塹薄苔生停
鞭回去影駐軸敞前薨臺上經相識城下屢逢迎踟躕
還借問只重未知名

其三

建都開洛汭中地乃城陽縱橫肆八達左右闢康莊銅
溝飛柳絮金谷落花光忘情伊水側稅駕河橋傍

其四

百尺瞰金埒九衢通玉堂柳花塵裏暗槐色露中光遊
俠幽并客當壚京兆妝向夕風煙晚金羈滿洛陽

又

張正見

層城起旦扉上洛滿春暉柳影緣溝合槐花夾岸飛蘇
合彈珠罷黃間負翳歸紅塵暮不息相看連騎稀

又二首

徐陵

綠柳三春暗紅塵百戰多東門向金馬南陌接銅駝華
軒翼葆吹飛蓋響鳴珂潘郎車欲滿無奈擲花何

其二

洛陽馳道上春日起塵埃濯龍望如霧一作水河橋度似雷
聞珂知馬蹀傍憶見薨開相看不得語密意眼中來

又

陳暄

洛陽九衢上羅綺四時春路旁避驄馬車中看玉人鎮
西歌艷曲臨淄逢麗神欲知雙璧價潘夏正連茵

又

王瑳

洛陽夜漏盡九重平旦開日照蒼龍闕煙繞鳳凰臺浮

雲翻似蓋流水倒成雷曹王鬪雞返潘仁載果來

又

岑敬之

喧喧洛水濱鬱鬱小平津路旁桃李節陌上採桑春
車看衛玠連手望安仁復有能畱客莫愁嬌態新

又二首

江總

德陽穿洛水伊闕通河橋仙舟李膺棹小馬王戎鑣杏
堂歌吹合槐路風塵饒綠珠含淚舞孫秀彊相邀

其二

小平路四達長秋聽五鍾玉節迎司隸錦車歸濯龍
弦歌聲不息環珮響相從花障蕩舟笑日映下山逢

又

沈佺期

九門開洛邑雙闕對河橋白日青春道軒裳下半朝
乘羊稚子看拾翠美人嬌行樂歸恒晚香塵撲地遙

又

于武陵

浮世若浮雲千回故復新旋添青草塚更有白頭人
歲暮客將老雪晴山欲春行行車與馬不盡洛陽塵

又

梁簡文帝

洛陽佳麗所大道滿春光遊童時挾彈蚕妾始提筐
金鞍照龍馬羅袂拂春桑玉車爭曉入潘果溢高箱

又

梁元帝

洛陽開大道城北達城西青槐隨幔拂綠柳逐風低玉珂鳴戰馬金爪鬪場雞桑姜日行暮多逢秦女妻

又

沈約

洛陽大道中佳麗實無比燕裙傍日開趙帶隨風靡領上蒲萄繡腰中合歡綺佳人殊未來薄暮空徒倚

又

庾肩吾

微道臨河曲曾城傍洛川金門繞出柳桐井半含泉日
起杲忽外車回雙闕前潘生時未返遙心徒眷然

羽觴飛上苑

沈君攸

上路薄晚風塵合禁苑初春氣色華石徑斷絲爛蔓草

山流細沫擁浮花魚文熠燿含餘日鶴蓋低昂照落
隔樹銀鞍喧寶馬分衢玉勒動香車車馬處處盡成陰
班荆促席對芳林藤杯屢動情仍暢翠尊引滿趣彌深
山陽倒載非難得宜城醇醞促須斟半醉驪歌應可奏
上客莫慮擲黃金

建興苑

紀少瑜

丹陵抱天邑紫淵更上林銀臺懸百仞玉樹起千尋水
流冠蓋影風揚歌吹音踟躕怜拾翠顧步惜遺簪日落
庭光轉方幘屢移陰願言樂未極不道愛黃金

曲池水

謝朓

緩步遵莓渚披衿待蕙風芙蓉舞輕蒂苞筍出芳叢浮
雲自西北江海思無窮鳥去能傳響見我測琴中

凌雲臺

謝舉

綺甍懸桂棟隱曖傍喬柯勢高凌玉井臨迥度金波易
覺涼風至早飛秋鴈過高臺相思曲望遠騷人歌幸屬
此迢遞知承雲霧多

又

王褒

高臺懸百尺中夕殊未窮北臨酸棗寺西眺明光宮城
旁抵雙府林裏對相風書題鹿盧榜觀寫飛廉銅牕開
神女電梁映美人虹虞捐濫天寵鄭督特懷忠莊生垂

翠釣昭儀抵闔熊馳輪有盈缺人道亦汙隆還念西陵
舞非復鄴城中

臨高臺

王融

遊人欲騁望積步上高臺井蓮當夏吐窻桂逐秋開花
飛低不入鳥散遠時來還看雲棟影含月共徘徊

又

陳後主

晚景登高臺迥望春光來霧濃山後暗日落雲傍開煙
裏看鴻小風來望葉回臨窻已響吹極眺且傾杯

又

張正見

層臺邇清漢出迥架重棼飛棟臨黃鶴高窻度白雲風

樂府部一
卷五
前朱幌色霞處綺踈分此中多怨曲地遠詎能聞

又

蕭愨

崇臺高百尺迥出望仙宮畫拱浮朝氣飛梁照晚虹小
衫飄霧縠艷粉拂輕紅笙吹汶陽篠琴奏嶧山桐舞逐
飛龍引花隨少女風臨春今若此極燕豈無窮

又

褚亮

高臺暫俯臨飛翼聳輕音浮光隨日度漾影逐波深迥
瞰周平野開懷暢遠襟獨此三休上還傷千歲心

又

王勃

臨高臺臨高臺迢遞絕浮埃瑤軒綺構何崔嵬鸞歌鳳

吹清且哀俯瞰長安道萋萋御溝草斜對甘泉路蒼蒼
茂陵樹高臺四望同帝鄉佳氣鬱葱葱紫閣丹樓紛照
耀璧房錦殿相玲瓏東迷長樂觀西指未央宮赤城映
朝日綠樹搖春風旗亭百隊開新市甲第千甍分戚里
朱輪翠蓋不勝春疊樹重楹相對起復有青樓大道中
繡戶文窻雕綺櫳錦衣畫不縷羅帷夕未空歌屏朝揜
翠粧鏡晚窺紅為吾安寶髻蛾眉罷花叢塵間狹路黯
將暮雲間月色明如素鴛鴦池上兩兩飛鳳凰樓下雙
雙度物色正如此佳期那不顧銀鞍繡縠盛繁華可憐
今夜宿倡家倡家少婦不須嘔東園桃李片時春君看

樂府部一
舊日高臺處栢梁銅雀生黃塵

西遊咸陽中

陰鏗

上林春色滿咸陽俠客多城斗疑連漢橋星象跨河影
裏看飛轂塵前聽遠珂還家何意晚無處不經過

長安有狹斜行

張正見

少年重遊俠長安有狹斜路窄時容馬枝高易度車簷
高同落照巷小共飛花相逢挾繡轂借問是誰家

又

王褒

透紆狹斜道車騎動相喧博徒稱劇孟遊俠號王孫勢
傾魏侯府交盡翟公門路斜勞挾轂塗艱倦折轅日斜

宣樂觀春還御宿園塗歌揚柳曲巷飲榴花罇獨有遊
梁客還守孝文園

上之回

梁簡文帝

前旆拂回中後車偶桂宮輕絲臨雲罕春色繞川風桃
林方灼灼柳路日曛曛笳聲駭胡騎清磬聳山戎微臣
今拜手願帝永無窮

又

張正見

林光稱避暑回中乃吉行龍媒躡影駛玉輦御雲輕風
烏繞鳩鵲綵鷁照昆明欲知鍾箭遠遙聽寶雞聲

又

陳子良

承平重遊樂詔蹕上之回屬車響流水清笳轉落梅嶺
雲蓋道轉巖花映綬開下輦便高宴何如在瑤臺

又

蕭愨

發軔城西時回輿事北遊山寒石道凍葉下故宮秋朔
落傳清警邊風卷畫旒歲餘巡省畢擁杖返皇州

又

盧照鄰

回中道路險蕭關烽候多五營屯北地萬乘出西河單
于拜玉璽天子按琯戈振旅汾川曲秋風橫大歌

又

李白

三十六離宮樓臺與天通閣道步行月美人愁煙空思

踈寵不及桃李傷春風淫樂意何極金輿向回中萬乘
出黃道千旗揚彩虹前軍細柳北後騎甘泉東豈問渭
川老寧邀襄野童秋暮瑤池宴歸來樂未窮

龍池樂章

盧懷慎

代邱東南龍躍泉清漪碧浪遠浮天樓臺影就波中山
日月光疑鏡裏懸鴈沼回流成舜海龜書薦祇應堯年
大川既濟慙為楫報德空思奉細涓

又

沈佺期

龍池躍龍龍已飛龍德先天天不違池開天漢分黃道
龍向天門入紫微邱第樓臺多氣色君王鳧鴈有光輝

為報寰中百川水來朝此地一作第莫東歸

又

李义

星分邑里四人居水洊源流萬頃餘魏國君王稱象處
晋家藩邸化龍初青蒲暫似遊梁馬綠藻還疑宴鴈魚
自有神靈滋液地年年雲物史官書

又

裴瑾

乾坤啓聖吐龍泉泉水年年勝一年始看魚躍方成海
即睹龍飛利在天洲渚遙將銀漢接樓臺直與紫微連
休氣榮光常不散懸知此地是神仙

又

蘇頌

西京鳳邱躍龍泉佳氣休光鎮在天軒后霧圖今已
秦王水劍昔常傳恩魚不似昆明釣瑞鶴長如太液仙
願侍巡遊同舊里更聞簫鼓濟樓船

又

崔日用

龍興白水漢興符聖主時乘運斗樞岸上丰茸五花樹
波中的皦千金珠操環昔聞迎夏啓發匣先來瑞有虞
風色雲光隨隱見赤龍神化象江湖

又

姚崇

恭聞帝里生靈沼應報明君鼎業新既協翠泉光寶命
還符白水出真人此池舜海潛龍躍此地堯河帶馬巡

獨有前池一小鴈叨承舊惠入天津

又

蔡孚

帝宅王家大道邊神馬龍龜涌聖泉昔日昔時經此地
看來看去漸成川歌臺舞榭宜正月柳岸梅洲勝往年
莫言波上春雲少祇為從龍直上天

又

姜皎

龍池初出此龍山常經此地謁龍顏日日芙蓉生夏水
年年楊柳變春灣堯壇寶匣餘煙霧舜海漁舟尚往還
願似飄飄五雲影從來從去九天間

又

姜晞

靈沼縈廻帝第前浴日涵空寫曙天始見龍臺昇鳳闕
應如霄漢起神泉石匱渚傍還啓聖桃李初生更有仙
欲化帝圖從此受正同河變一千年

宮中行樂詞八首

李白

小小生金屋盈盈在紫微山花插寶髻石竹繡羅衣每
出深宮裏常隨步輦歸只愁歌舞散化作彩雲飛

其二

柳色黃金嫩梨花白雪香玉樓巢翡翠金殿鎖鴛鴦選
妓隨雕輦徵歌出洞房宮中誰第一飛燕在昭陽

其三

盧橘為秦樹蒲萄出漢宮煙花宜落日絲管醉春風
笛奏龍吟水簫鳴鳳下空君王多樂事何必向回中

一作還與萬方同

其四

玉樹春歸日金宮樂事多後庭朝未入輕輦夜相過
笑出花間語嬌來燭下歌莫教明月去畱着醉姮娥

其五

繡戶香風暖紗窻曙色新宮花爭笑日池草暗生春
綠樹聞歌鳥青樓見舞人昭陽桃李月羅綺自相親

其六

今日明光裏還須結伴遊春風開紫殿天樂下珠樓
艷

舞全知巧嬌歌半欲羞更憐花月夜宮女笑藏鉤

其七

寒雪梅中盡春風柳上歸宮鶯嬌欲醉簷燕語還飛
遲日明歌席新花艷舞衣晚來移彩仗行樂泥光輝

其八

水綠南薰殿花紅北闕樓鶯歌聞太液鳳吹遶瀛洲
素女鳴珠珮天人弄彩毬今朝風日好宜入未央遊

宮中樂五首

張仲素

網戶交如綺紗窻薄似煙樂吹天上曲人是月中仙

其二

翠匣開寒鏡珠釵挂步搖粧成祇畏曉更漏促春宵
其三

江果瑤池實金盤露井冰甘泉將避暑臺殿曉光凝
其四

月彩浮鸞殿砧聲隔鳳樓笙歌臨水檻紅燭乍迎秋
其五

竒樹畱寒翠神池結夕波黃山一夜雪渭水鴈聲多
又五首
令狐楚

楚塞金陵靜巴山玉壘空萬方無一事端拱大明宮
其二

霜霽長楊苑冰開太液池宮中行樂日天下咸明時
其三

柳色煙相似梨花雪不如春風真有意一一麗皇居
其四

月上宮花靜煙含苑樹深銀臺門已閉仙漏夜沉沉
其五

九重青鎖闥百尺碧雲樓明月秋風起珠簾上玉鈎

江都宮樂歌

隋煬帝

揚州舊處可淹畱臺榭高明復好遊風亭芳樹迎早夏
長臯麥隴送餘秋淥潭桂檝浮青雀果下金鞍駕紫騮

綠觴素蟻流霞飲長袖清歌樂戲州

金樂歌

梁元帝

啼鳥怨別偶曙鳥憶誰家石闕題書字金燈飄落花東
方曉星沒西山晚日斜縠衫迴廣袖團扇掩輕紗暫借
青驄馬來送黃牛車

又

房篆

前溪流碧水後渚映青天登臺臨寶鏡開窻對綺錢玉
顏光粉色羅袖拂金鈿春風散輕蝶明月映新蓮摘花
競時侶催指及芳年

新曲

謝偃

青樓綺閣已含春凝粧艷粉復如神細細輕裙全漏影
離離薄扇詎障塵尊中酒色恒宜滿曲裏歌聲不厭新
紫燕欲飛先繞棟黃鶯始哢即嬌人撩亂垂絲昏柳陌
參差濃葉暗桑津上客莫畏斜光晚自有西園明月輪

雜曲

徐陵

傾城得意已無儔洞房連閣未消愁宮中本造鴛鴦殿
為誰新起鳳凰樓綠黛紅顏兩相發千嬌百念情無歇
舞衫迴袖勝春風歌扇當窻似秋月碧玉宮妓自翩妍
絳樹新聲最可憐張星舊在天河上猶來張姓本連天
二八年時不憂度傍邊得寵誰相妬立春歷日自當新

正月春幡底頭故流蘇錦帳挂香囊織成羅幌隱燈光
只因私將琥珀枕瞑瞑來上珊瑚牀

又二首

江揔

行行春逕靡蕪綠素那復解琴心乍愜南階悲綠草
誰堪東陌怨黃金紅顏素月俱三五夫婿何在今追虜
關山隴月春雪冰誰見人啼花照戶

其二

殿內一處起金房併勝餘人白玉堂珊瑚挂鏡臨網戶
芙蓉作帳照雕梁房櫳宛轉垂翠幙佳麗逶迤隱珠箔
風前花管颺難畱舞處花鈿低不落陽臺通夢太非真

洛浦凌波復不新曲中唯聞張女曲定有同姓可憐人
但願私情賜斜領不願旁人相比並妾門逢春自可榮
君面未秋何意冷

又

王褒

青樓臨大道遊俠盡淹畱陳王金被馬秦女桂為鈎馳
輪洛陽巷闔雞南陌頭薄暮風塵起聊為清夜遊

古歌

沈佺期

落葉流風向玉臺夜寒秋思洞房開水晶簾外金波下
雲母窻前雲漢迴玉階陰陰苔蘚色君王履綦難再得
璇閨窈窕秋夜長繡戶徘徊秋月光燕姬彩帳芙蓉色

秦子金鑪蘭麝香北斗七星橫夜半清歌一曲斷君腸

宛轉歌

江揔

七夕天河白露明八月濤水秋風驚樓中恒聞哀響曲
塘上復有苦辛行不解何意悲秋氣直置無秋悲自生
不怨前堦促織鳴偏愁便路搗衣聲別燕差池自有返
離蟬寂寞詎含情雲聚懷情四望臺月冷相思九重觀
欲題芍藥詩不成來採芙蓉花已散金尊送曲寒娥起
玉柱調弦楚妃歎翠眉結恨不復開寶鬢迎秋度前亂
湘妃拭淚灑貞筠筴藥浣衣何處人步步香飛金薄履
盈盈扇掩珊瑚唇已言採桑期陌上復能解佩就江濱

競入華堂耍花枕爭開羽帳奉華茵不惜獨限前下鈞
欲許便作後來薪後來瞑瞑同玉牀可憐顏色無比方
誰能巧笑特窺井乍取新聲學繞梁宿處畱嬌墮黃珥
鏡前含笑弄明璫採菘摘心心不盡茱萸折葉葉更芳
已聞能歌洞簫賦詎是故愛邯鄲倡

艷歌行

梁簡文帝

凌晨光景麗倡女鳳樓中前瞻削成小旁望卷旌空分
粧間淺靨繞臉傅斜紅張琴未調軫飲吹不全終自知
心所愛出入在秦宮誰言連尹屈更是莫教通輕輶綴
皂蓋飛纒轡雲驄金鞍隨繫尾御璫映纏駿戈鏤荆山

玉劍飾丹陽銅左把蘇合彈旁持大屈弓控弦因鵲血
挽疆用牛蝨弋獵多登隴酣歌每入豐暉暉隱落日舟
舟還房櫳燈生陽燧火塵散鯉魚風流蘇時下帳象簾
復韜筒霧暗窻前柳寒踈井上桐女蘿託松際甘瓜蔓
井東拳拳恃君寵歲暮望無窮

又

張正見

城隅上朝日斜暉照杏梁併捲茱萸帳爭移翡翠牀
縈環聊向牖拂鏡且調粧裁金作小靨散麝起微黃二八
秦樓婦三十侍中郎執戟超丹地豐貂入建章未安文
史閣獨結少年場彎弧貫月影學劍動星芒翠蓋飛城

曲金鞍橫道旁調鷹向新市彈雀往睢陽行行稍有
暮暮歸蘭房前瞻富羅綺左顧足鴛鴦蓮舒千葉氣燈
吐百枝光滿酌胡姬酒多燒荀令香不學幽閨妾生離
怨採桑

又

顧野王

齊倡趙女盡妖妍朱簾玉砌併神仙莫笑人來最落後
能使君恩得度前豈知洛渚羅塵步詎減天河秋夕渡
妖姿巧笑能傾城那思他人不憎妬蓮花藻井推菱荷
採菱妙曲勝陽阿

燕歌行

梁元帝

燕趙佳人本自多遼東少婦學春歌黃龍戍北花如錦
玄菟城東月似蛾如何此時別夫婿金羈翠駝往交河
還聞入漢去燕營怨妾愁心百恨生漫漫悠悠天未曉
遙遙夜夜聽寒更自從異縣同心別偏恨同心成異節
橫波滿臉萬竹啼翠眉暫斂千重結並海連天合不開
那堪春日上春臺唯見遠舟如落葉復看遙舸似行杯
沙汀夜鶴嘯羈雌妾心無處坐傷離翻嗟漢使音塵斷
空傷賤妾燕南垂

又

蕭子顯

風光遲舞出青蘋蘭條翠鳥鳴發春洛陽梨花落如雪

河邊細草細如茵桐生井底葉交枝今看無端雙燕離
五重飛樓入河漢九華閣道暗清池遙看白馬津上吏
傳道黃龍征戍兒明月金波徒照妾浮雲玉葉君不知
思君昔去柳依依至今八月避暑歸明珠蚕繭登勉機
鬱金春薦持香衣洛陽城頭雞欲曙丞相府中烏未飛
夜夢征人縫狐絡私憐織婦裁錦緋吳刀鄭綿絡寒閨
夜被薄芳年海上水中鳧日暮空城夜寒雀

又

庾信

代北雲氣晝夜昏千里飛蓬無復根寒鴈噦噦渡遼水
桑葉紛紛落薊門晉陽山頭無箭竹踈勒城中乏水源

屬國征戍久離居陽關音信絕然踈願得魯連飛一箭
持寄思歸燕將書渡遼本自有將軍寒風蕭蕭生水紋
妾驚甘泉足烽火君訝漁陽少陣雲自從將軍出細柳
薄子空牀難獨守盤龍明鏡餉秦嘉辟惡生香寄韓壽
春分燕來能幾日二月蚕眠不復久洛陽遊絲百尺連
黃河春冰千片穿桃花顏色好如馬榆筴新開巧似錢
蒲桃一杯千日醉無事九轉學神仙定取金丹作幾服
能令華表得千年

又

屈同

君不見漁陽八月寒草腓征人相對併思歸雲和朔氣

連天暗蓬雜胡沙散野飛此時天地陰埃遍瀚海龍城
皆血戰兩軍鼓角暗相聞四面旌旗看不見昭君遠嫁
已年多戎狄無厭尚不和漢兵候月秋防塞胡騎乘冰
夜渡河河塞東西萬餘里地與京華不相似燕支山上
少光輝黃沙磧下無流水金戈玉劍十年征紅粉青樓
多怨情厭得殊方久為別秋來愁聽擣衣聲

又

高適

漢家煙塵在東北漢將辭家破殘賊男兒本自重橫行
天子非常賜顏色縱金伐鼓下榆關旌旆逶迤碣石間
校尉羽書飛瀚海單于獵火照狼山山川蕭條極邊土

胡騎憑陵雜風雨戰士軍前半死生美人帳下猶歌舞
大漠窮秋塞草衰孤城落日鬪兵稀身當恩遇常輕敵
力盡關山未解圍鉄衣遠戍辛勤久玉筋應啼別離後
少婦城南欲斷腸征人薊北空回首邊風飄飄那可度
絕域蒼茫更何有殺氣三時作陣雲寒聲一夜傳刁斗
相看白刃徒紛紛死節從來豈顧勲君不見沙場征戰
苦至今猶憶李將軍

踏歌詞三首

謝偃

春景嬌春臺新露泣新梅春葉參差吐新花重疊開花
影飛鶯去歌聲度鳥來倩看飄飄雪如何舞袖迴

其二

逶迤度香閣顧步出蘭閨欲繞鴛鴦殿先過桃李蹊風
帶舒還卷簷花舉復低欲問今宵樂但聽歌聲齊

其三

夜久星沉沒更深月影斜裙輕纔動佩鬟薄不勝花細
風吹寶袜輕露濕紅紗相看樂未已蘭燈照九莖

又二首

張說

花萼樓前雨露新長安城裏太平人龍銜火樹千燈艷
雞踏蓮花萬歲春

其二

帝宮三五戲春臺行雨流風莫妬來西域燈輪千影合
東華金闕萬重開

踏歌行四首

劉禹錫

春江月出大堤平堤上女郎連袂行唱盡新詞看不見
紅霞影樹鷓鴣鳴

其二

桃蹊柳陌好經過燈下粧成月下歌為是襄王故宮地
至今猶自細腰多

其三

新詞宛轉遞相傳振袖輕鬟風露前月落烏啼雲雨散

遊童陌下拾花鈿

其四

日暮江頭聞竹枝南人行樂北人悲自從雪裏唱新曲
直至三春花盡時

昔昔鹽

薛道衡

垂柳覆金堤靡蕪葉復齊水溢芙蓉沼花飛桃李蹊採
桑秦氏女織錦竇家妻關山別蕩子風月守空閨恒歛
千金笑長垂雙玉啼盤龍隨鏡隱彩鳳逐帷低飛魂同
夜鵲倦寢憶晨雞暗牖懸蛛網空梁落燕泥前年過代
北今歲往遼西一去無消息那能識馬蹄

薄暮動絃歌

沈君攸

柳谷向夕沉餘日蕙樓臨砌徙斜光金戶半入叢林影
蘭徑時移落葢香絲繩玉壺傳綺席秦箏趙瑟響高堂
舞裙拂履喧珠珮歌響出扇繞塵梁雲邊雪飛弦柱促
畱賓但須羅袖長日暮歌鐘恒不倦處處行樂為時康

日出東南隅行

陳後主

重輪上瑞暉西北照南威南威年二八開牖敞重闈當
壚送客去上苑逐春歸鬢下珠勝月窻前雲帶衣紅裙
結未解綠綺自難微

又

徐伯揚

朱城璧日啓朱扇青樓含照本暉暉遠映陌上春桑葉
斜入秦家細綺衣羅敷粧粉能佳麗鏡前新梳倭墮髻
圓籠裊裊挂青絲鉄鈎冉冉勝丹桂蚕饑日晚暫生愁
忽逢使君南陌頭五馬停珂遣借問雙臉含嬌特好羞
妾壻府中輕小吏即今來往專城裏欲識東方千騎歸
藹藹日暮紅塵起

又

盧思道

初月正如鈎懸光入綺樓中有可憐妾如恨亦如羞深
情正艷語密意滿橫眸楚腰寧且細孫眉本未愁青玉
勿當取雙銀詎可畱會待東方騎遙居最上頭

雨雪曲

張正見

胡關辛苦地雪路遠漫漫含冰踏馬足雜雨凍旗竿沙
漠飛恒暗天山積轉寒無因辭日逐團扇掩齊紈

又

謝燮

朔邊昔離別寒風復淒切我我六尺冰飄飄千里雪未
塞表安戶行封蘇武節應隨隴水流幾過空嗚咽

又

陳暄

都尉出祁連雨雪滿雞田雕陵持抵鵲屬國用何氊冰
合軍應渡樓寒烽未然花迷差未著踈勒復經年

又

江暉

邊城風雪至客子自心悲風哀笳弄斷雪暗馬行遲
生本為國重氣不關私恐君猶未信撫劍一揚眉

又

江揔

雨雪隔榆溪從軍度隴西遶陣看狐迹依山見馬蹄天
寒旗彩壞地暗鼓聲低漫漫愁寒起蒼蒼別路迷

又

盧照鄰

虜騎三秋入關雲萬里平雪似胡沙暗冰如漢月明高
闕銀為闕長城玉作城節旄零落盡天子不知名

又

李端

天山一丈雪雜雨夜霏霏濕馬胡歌亂經烽漢火微丁

零蘇武別踈勒范羌歸若着關頭下長榆葉定稀

陽春歌

顧野王

春草正芳菲重樓啓曙扉銀鞍俠客至柘彈婉童歸池
前竹葉滿井上桃花飛薊門寒未歇為斷流黃機

子夜春歌

王翰

春氣滿林香春遊不可忘落花吹欲盡垂柳折還長桑
女淮南曲金鞍塞北裝行行小垂手日暮渭川陽

春江花月夜二首

隋煬帝

暮江平不動春花滿正開流波將月去潮水帶星來

其二

夜露含花氣春潭漾月輝漢水逢遊女湘川值兩妃

又

張若虛

春江潮水連海平海上明月共潮生滌滌隨波千萬里
何處春江無月明江流宛轉遶芳甸月照花林皆是霰
空裏流霜不覺飛汀上白沙看不見江天一色無纖塵
皎皎空中孤月輪江畔何人初見月江月何年曾照人
人生代代無窮已江月年年望相似不知江月待何人
但見長江送流水白雲一片去悠悠青楓浦上不勝愁
誰家今夜扁舟子何處相思明月樓可憐樓上月徘徊
應照離人粧鏡臺玉戶簾中卷不去擣衣砧上拂還來

此時相望不相聞，願逐月華流。照君鴻鴈長，飛光不度魚龍潛。躍水成文昨夜閑，潭夢落花可悲春。半不還家江水流，春去欲盡江潭落。月復西斜斜，月沉沉，葳蕤海霧碣石瀟湘無限路，不知乘月幾人歸。落月搖情滿江樹。

東宮春

隋煬帝

洛陽城邊朝日暉，天淵池前春燕歸。含露桃花開未飛，臨風楊柳自依依。小苑花紅洛水綠，清歌宛轉繁弦促。長袖逶迤動珠玉，千年萬歲陽春曲。

江都夏

同前

海黃雨細麥秋輕，楓樹蕭蕭江水平。飛樓倚觀軒若驚。

花簾羅帷當夏清，菱潭落日雙鳧舫。綠水紅妝兩搖漾，還似浮桑碧海上。誰肯空歌採蓮唱。

苦熱行

任昉

旭旦煙雲卷，烈日景入東。軒傾光望轉，蕙斜日照西垣。既卷蕉梧葉，復傾葵藿根。重簾無冷氣，挾石似懷溫。霖霖類珠綴，喘赫狀雷奔。

又

庾信

火井沉熒散炎洲，高燄通鞭石未成。雨鳴鳶不起，風思為鷺翼。扇願備明光，宮臨淄迎子禮。中散就安豐美酒，含蘭氣。甘瓜開蜜筒，寂寥人事屏。還得隱牆東。

苑詩類選卷之十一



